



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

12-6X2

10 հուլիսի 9/5 ւ.

9(47.925)

Մ-64.

ՀՐԵՏ. ՅՈՎՀԱՆՆԵՍ ԵՐԵՄԵԱՆՆԵՐ

31 AUG 2007  
05 SEP 2011  
Հանրապետության արտաքին գործերի նախարարություն  
Երևան (տեղադրում)

# ՄԵՍՐՈՊ ՄԱԶՏՈՑ

Կ Ա Ջ Մ Ե Յ  
Ե. Ք.

3/11/3  
1001

1 ամսիկտի

Հ.Ս.Խ.Ի. ՄԱՐԿԻՆԻ ԳՐԱԴԱՐԱՆ  
ИМЕНА БРЮ КТОКА  
7/XI - 1922  
ИМЕНА, МЯСНИЦОВА  
Հ.Ս.Խ.Ի. ՄԱՐԿԻՆԻ ԳՐԱԴԱՐԱՆ

9603

Ա. Լ. ԲՍՍՆԴՐԱՊՈՒ

Արտատպ-Տպարան Ա. Մ. Մալխոսյանի

1901



28.06.2013

02 SEP 2013

Дозволено цензурою, 27 Октября 1901 года. Гор. Тифлисъ.



31103+





Մեարոյ Մաշտոց



«Գերզանցեալ բան զամենայն, որ  
զայնու ժամանակու էին աւարինիք.»

Մովս. Խորենացի:

I



Թէ ուզում էք մի որևէ եր-  
կրի քաղաքակրթութեան  
մասին գաղափար կազմել,  
ասում է յայտնի գրական-  
նագէտ Բրանդէս\*, թեր-  
թեցէք նրա գրականու-  
թիւնը. եթէ ուզում էք  
իմանալ մի որևէ ժո-  
ղովրդի մտաւոր ու նիւթական պահանջները, հե-  
տևեցէք նրա մամուլին...

Եւ շատ ճիշտ է այդ կարծիքը. իւրաքանչիւր  
երկրի, իւրաքանչիւր պետութեան քաղաքակրթու-  
թեան աստիճանին համապատասխանում է նրա  
գրականութեան զարգացման աստիճանը:

Վերցնենք, օրինակ, եւրոպական ազգերին և

\*) G. Brandes: „Moderne Geister“



այն ժամանակ կտեսնենք, որ գրանցից իւրաքան-  
չիւրի գրականութիւնը թէ որակի և թէ քանակի  
կողմից համապատասխանում է տեղական ժողովրդ-  
դի կուլտուրական բարձրութեանը:

Թեոթեանք հայկական հին գրականութիւնը և  
այն ժամանակ կտեսնենք, որ նրա մէջ էլ, ինչ-  
պէս հայելու մէջ, անգրագարձել է հայի ամբողջ  
անցեալը, նրա ցաւերն ու կարիքները: Գառն ու  
աննախանձելի է եղել այդ անցեալը, աղքատիկ է  
եղել և նրա գրականութիւնը:

Ճիշտ է, մենք ունեցել ենք բաւական շնորհա-  
լի կրօնական գրուածքներ, ճիշտ է գրանցից մի  
քանիսը մինչև օրս էլ մեծ արժէք ունին, բայց  
երբէք չի կարելի միայն գրանով մեր գրականու-  
թիւնը ճոխ համարել: Նա չունի այնպիսի տաղան-  
դաւոր գրուածքներ, ինչպէս, օրինակ, հարեւան  
յունական և լատինական գրականութիւնը: Նա չունի  
այնպիսի երկեր, որոնք զուտ մտաւոր ու կուլտու-  
րական առաջադիմութեան արգիւնք համարուէին:

Եւ ուրիշ կերպ չէր էլ կարող լինել: Հայ ժո-  
ղովուրդը հէնց սկզբից մի այնպիսի փոթորկալի  
վիճակ է ունեցել, այնպիսի հալածանքների է են-  
թարկուել, որ երբէք չէր կարող իր մտաւոր կեան-  
քին ու գրականութեանը զարկ տալ և կուլտուրա-  
պէս առաջադիմել:

Հալաստանի աշխարհագրական դիրքը շատ ան-  
նպաստ է եղել: Հարեւան ազգերի անգագար յար-  
ձակումները և նախարարների երկպառակուութիւնը  
հային գրել էին մի տեսակ պատերազմական ու

պաշտպանողական գրութեան մէջ, այնպէս որ նա  
հազիւ կարողանում էր իր գոյութիւնը պահպանել:  
Պարզ է, որ այդպիսի ձախորդ պայմաններում մտա-  
ւոր կեանքն ու գրականութիւնը ցանկալի չափով  
զարգանալ չէին կարող:

Բացի գրանից կար մի ուրիշ արգելք էլ՝ հա-  
յերը սեփական տառեր չունէին: Հին ժամանակնե-  
րում նրանք գործ էին ածում մի տեսակ պայմա-  
նական-իւրօգլիֆական նշաններ, որոնց մի քանի  
նմուշները մնացել են մինչև մեր օրերը: Բայց այդ  
նշաններով միտք արտայայտելը չափազանց դժուար  
էր և շատ քչերին մատչելի, ուստի մտածեցին մի  
աւելի հեշտ միջոց գտնել: Այդպիսով գործածու-  
թեան մէջ մտան պարսկական, յունական և ասո-  
րական տառերը: Սակայն այդ տառերով էլ ան-  
հնարին էր հայկական լեզուի նրբութիւնը պահ-  
պանել և նրա բոլոր հնչիւններն արտայայտել:

Ս.մենքն էլ զգում էին սեփական տառեր ունե-  
նալու մեծ կարիքը. ամենքն էլ հասկանում էին  
այդ բանի օգտակարութիւնը... Հարկաւոր էր մի-  
այն մի հանճարեղ ձեռք, որ անյետաձգելի կարի-  
քին բաւարարութիւն տար, հարկաւոր էր մի ե-  
ռանդուն մշակ, որ հայի մտաւոր անդաստանը մշա-  
կելու գործիքը հնարէր: Ահա այդ հանճարեղ  
ձեռքը, այդ եռանդուն մշակը եղաւ Մեսրոպ  
Մաշտոց\*:

\*Մեսրոպ անունը առաջ է եկել պարսկական միւշտիֆ բառից,  
որ նշանակում է դպիւր կամ բարտուղար. իսկ Մաշտոց՝ յունական  
բառից է առաջացել և նշանակում է բարձրութիւն — իբրև  
եկեղեցական տիրոջ:



II

Տարօն (Մուշ) գաւառի Հացիկ գիւղում ծնուեց (360 թ.) այն մարդը, որին վիճակուած էր Հայոց աշխարհի բարերարը լինելու, նրա համար գիտութեան ու քաղաքակրթութեան ճանապարհ բանալու: Նրա հայրը—Վարդանը յայտնի էր բարի և հեզ բնաւորութեամբ, ջերմեռանդ ու անկեղծ բարեպաշտութեամբ: Ահա հէնց այդ պատճառով մանուկ Մեսրոպը դեռ մատաղ հասակում սնուած էր զուտ կրօնական գաղափարներով, կրօնական ուղղութեամբ:

Նա փոքր հասակում Մեծն Ներսէսի աշակերտը դարձաւ և նրա ղեկավարութեամբ աւելի զարկ տուեց իր կրօնական ձգտումներին: Նա ընդունակ ու ժրաջան էր և ունէր ուսման մեծ ծաւալ: Բայց այդ ծաւալին յագուրդ տալու համար հարկաւոր էր օտար լեզուներ սովորել, օտար գրականութիւնից նիւթեր քաղել, որովհետև հայերը չունէին իրանց սեփական գիրն ու հարազատ գրականութիւնը:

Մեսրոպը սովորեց լունարէն, ասորերէն և պարսկերէն և ապա սկսեց ուսումնասիրել գրականութիւնը: Նա իր բնաւորութեան ու ընդունակութիւնների շնորհիւ Մեծն Ներսէսի սիրելին դարձաւ և մինչև իր մեծանուն ուսուցչի մահը կատարում էր նրա քարտուղարի պաշտօնը: Մեսրոպն էր, որ Մեծն Ներսէսի վերջին ըոպէին ներկայ լի-

նելով, նրա մարգարէական գուշակութիւններն արձանագրեց:

Իր ուսուցչի մահից յետոյ Մեսրոպը գնաց արքունիք և մտաւ զինւորական ծառայութեան: Այստեղ էլ նա գրաւեց սէր և ուշադրութիւն թէ գինւորների և թէ մեծամեծների կողմից, որովհետև պարտաճանաչ էր և չունէր ոչ հպարտութիւն և ոչ էլ գոռոզութիւն: Զինւորական ծառայութեան հետ միասին նա վարում էր նաև զիւանադպրի պաշտօն:

Տարիներն անցնում էին միմեանց յետեւից: Մեսրոպի բաղդի անիւր շարժում էր առաջ ու առաջ, բայց նա գոհ չէր իր վիճակից: Նրա հոգին ու սիրտը այլ բան էին որոնում, դէպի այլ ասպարէզ էին ձգտում:

Թէև ամբողջ արքունիքում նա միայն սէր և համակրանք էր վայելում, թէև նրա շուրջը նորաբաց վարդի նման փայլում էր շուայլ ու փարթամ կեանքը, թէև նրա համար պատրաստ էին բարձր պաշտօնները, գանձ ու պարգևները, բայց այնուամենայնիւ վեհ ձգտումները տարան իրանց յաղթանակը և նիւթապաշտութեան մթնոլորտից դուրս մղեցին դաղափսրական Մեսրոպին:

Նա թողեց փափուկ ու զուարճալի կեանքը, դարձաւ հոգևորական և սկսեց ճգնաւորական կեանք վարել: Գողթան գաւառի վանքերից մէկն էր Մեսրոպի բնակավայրը: Սակայն այստեղ էլ բաւարարութիւն չէին գտնում նրա լայն միտքը, վսեմ ձգտումները...




Այդ երիտասարդ հոգևորականը յաճախ թողնում էր վանքն ու միաբանութիւնը, ընկնուր էր սար ու ձոր, դաշտ ու անապատ և այդտեղ, այդ խորհրդաւոր միայնակութեան մէջ անձնատուր լինում իր մտածմունքներին ու զբաղմունքներին:

Այդպիսի դրութեան մէջ նա մոռանում էր մարմնական պահանջներն ու յարմարութիւնները և բաւականանում էր միայն բանջարեղէն ուտելով, իսկ շատ անգամ բացօդեայ գետնի վրայ էր պառկում: Նա ճգնաւոր էր բառիս բուն նշանակութեամբ:

### III

Սակայն Մեսրոպը այն տեսակ ճգնաւորներից չէր, որ գիտեն միայն իրանց անձը գրկել, մէայն իրանց ետով բաւականանալ: Նա ունէր հասարակական ձգտում, եռանդ ու տոկունութիւն. ունէր գործելու ցանկութիւն, ուստի և չէր կարող անգործ մնալ, չէր կարող իր ճգնաւորական կեանքով բաւականանալ: Նրան հարկաւոր էր կենդանի գործունէութիւն, իսկ դրա համար հողն արդէն պատրաստ էր և ասպարէզը լայն:

Ժողովուրդը խարխափում էր տգիտութեան խաւարի մէջ. նա դաւանում էր քրիստոնէական կրօնը, բայց չէր ըմբռնում նրա էութիւնը, չէր հասկանում նրա օրէնքները քարոզող գրքերն ու ժամասացութիւնը: Արքունիքում բուն էին դրել անվերջ վէճն ու երկպառակութիւնը: Անմիաբան նախարարները միմեանց դէմ զրպարտութիւններ էին անում, դարաններ էին լարում: Չկար բուն



ժողովրդի կարիքներին բաւականութիւն տուող, չկար նրա մտաւոր ու կրօնական առաջադիմութեան մասին մտածող: Հետզհետէ աւելանում էին աղանդներն ու սնոտիապաշտութիւնը:

Ահա այդպիսի պայմաններ էին տիրում Մեսրոպի շուրջը, այդպիսի հանդամանքներում նա սկսեց իր գործունէութիւնը:

Հայաստանի զանազան կողմերից աշակերտներ հաւաքուեցին Մեսրոպի մօտ և նա սկսեց մեծ եռանդով պատրաստել նրանց քարոզչական գործունէութեան համար: Երբ այդ նախապատրաստութիւնը վերջացած էր, երբ հաւաքուած աշակերտները բաւականաչափ մտաւոր գէնք էին ձեռք բերել, Մեսրոպը եկաւ Սահակ Պարթևի մօտ և ստացաւ նրա կաթողիկոսական թուղթութիւնը՝ Հայոց աշխարհի զանազան կողմերում թափառելու և ամենուրեք ճշմարիտ քրիստոնէութիւն, աւետարանական սէր և եղբայրութիւն քարոզելու համար...

Նա իր գործունէութիւնը սկսեց (396 թ.) Գողթան գաւառից, որտեղ դեռ Տրդատ թագաւորի ժամանակուանից հեթանոսական միաղանդ կար: Այդ աղանդը աւելի յայտնի էր դարձել և աւելի շատ հետևողներ էր դրաւել Արշակունեաց թագաւորութեան տկարանալու ժամանակ:

Մեսրոպին և նրա աշակերտներին սիրով ընդունեց Շաբիթ իշխանը, որի օգնութեամբ եռանդուն քարոզիչներին աջողուեց ճշմարիտ ճանապարհի վրա դնել մոլորուած աղանդաւորներին:

Քարոզիչները Գողթանից դիմեցին դէպի Սիւ-



նեաց աշխարհը և այստեղ էլ Վաղինակ իշխանի օգնութեամբ առաջ տարան իրանց արդիւնաւէտ գործունէութիւնը: Սակայն քարոզչական ասպարէզն էլ նեղ էր թւում Մեսրոպի համար: Նա ուզում էր Հայաստանի մտաւոր խաւարը փարատելու համար մի ուրիշ փրկարար միջոց գտնել...

IV

Իսկապէս քրիստոնէութիւնն իր թարմ գաղափարներով լուսաւորութեան դուռ էր բաց արել հայերի համար: Գրիգոր Լուսաւորչի աշխատութեամբ բացուել էին առաջին հայկական դպրոցները, բայց դժբաղբաբար դրանք ազգային կրթութեան համար չէին և չէին էլ կարող լինել, նախ այն պատճառով, որ նրանց մէջ ուսումն աւանդուում էր օտար լեզուներով—(ասորերէն և յունարէն)—և երկրորդ՝ նրանց գլխաւոր նպատակն էր Աւետարանի քարոզիչներ և եկեղեցական սաշտօնեաներ սպասարարութիւնը:

Բացի դրանից կար մի ուրիշ և աւելի մեծ արգելք՝ հայոց լեզուն չունէր սեփական տառեր: Փամասացութիւնը կատարուում էր օտար լեզուներով, որ մատչելի չէին հասարակ ժողովրդին: Քրիստոնէութեան բուն ոգին ժողովրդի բոլոր խաւերի մէջ տարածելու համար անհրաժեշտ էր ունենալ Սուրբ գրքերի հայերէն թարգմանութիւնը, անհրաժեշտ էր ստեղծել մայրենի գրականութիւն: Սակայն չկար այդ մեծ գործի բանալին, չկար հայկական այբուբէն:

Իր քարոզչութեան ժամանակ Մեսրոպը յաճախ ստիպուած էր լինում Ս. գիրքը կարգաւ ասորերէն և ապա թարգմանել ու բացատրել հայերէն: Նա հանդիպում էր մեծ դժուարութիւնների: Նրա ծանր չարչարանքներն ու թափած ջան ու ճիգը չափազանց աննշան արդիւնք էին տալիս:

Ահա այդ հանգամանքն էր, որ ներշնչեց Մեսրոպին հայ լեզուի տառերը գտնելու գեղեցիկ միտքը: Երկար մտածելուց յետոյ նա դիմեց Սահակ Պարթևին, յայտնեց իր ցանկութիւնը և հարցրեց նրա խորհուրդը: Հայրապետը մեծ համակրանքով վերաբերուեց դէպի այդ օգտակար ձեռնարկութիւնը և խոստացաւ իր մշտական աջակցութիւնը:

Սի քանի անաջող փորձեր կատարելուց յետոյ Սահակ և Մեսրոպ վճռեցին հաւաքական ոյժերով ու խորհրդակցութեամբ գլուխ բերել այդ օգտակար գործը:

402 թուականին Վաղարշապատ քաղաքում Սահակ Պարթևի հրաւերով գումարուեց մի մեծ ժողով, որի նպատակն էր ի միջի այլոց՝ հայկական նշանագրեր հնարել: Այդ ժամանակ Ասորիքից վերադարձաւ Վաւառացուհի թագաւորը, որը յայտնեց, թէ իր այնտեղ եղած ժամանակ Հաբէլ քահանայից լսել է, որ Դանիէլ անունով մի ասորի եպիսկոպոս հայկական լեզուի համար առանձին նշանագրեր է յարմարեցրել:

Անսպասելի լուրը ընդհանուր ուրախութիւն պատճառեց: Ժողովականները խնդրեցին թագաւորից՝ հոգ տանել այդ մասին և օր առաջ բերել տալ



լիշեալ նշանագրերը:

Անմիջապէս մարդ ուղարկեցին Գանիէլ եպիսկոպոսի մօտ և բերել տուին նշանագրերը, որոնք Գանիէլեան անուէն ստացան: Սահակ և Մեսրոպ իսկոյն աշակերտներ հաւաքեցին և սկսեցին այդ տառերով նրանց գրագիտութիւն սովորեցնել:

Երկու ամբողջ տարիներ անցան միմեանց լեռեից, բայց փորձերն ապարդիւն մնացին:

Նշանագրերը բաւական չէին մեր լեզուի հնչիւնները ճշտութեամբ արտայայտելու: Պակաս էին եօթը ձայնաւորները և եօթը բաղաձայն գրերը, որոնք հայերէնի յատուկ հնչիւններին էին վերաբերում:

Սակայն առաջին փորձի անաջողութիւնը չի վհատեցնում Մեսրոպին: Նա իր աշակերտներից մի քանիսի հետ դիմում է ուղղակի Միջագետք՝ Գանիէլ եպիսկոպոսի մօտ, որպէսզի նրանից աւելի հիմնաւոր, աւելի ճիշտ կերպով տեղեկանայ այդ նշանագրերի կազմութեան մասին:

Դժբաղդաբար այդ տեսակցութիւնը ոչ մի օգուտ չի տալիս: Այդ տեղից Մեսրոպը գնում է Եդեսիա՝ Պղատոն անունով մի հեթանոս ճարտասանի մօտ: Այստեղ էլ նա գտնում է սիրալիր ընդունելութիւն, բայց ոչ մի օգուտ իր ձեռնարկութեան համար: Այդ ճարտասանը վերջ ի վերջոյ խոստովանում է իր անգօրութիւնը և յայտնում է Մեսրոպին, թէ կայ մի ուրիշ աւելի հմուտ մարդ, որը Եդեսիայի դիւանից շատ գրքեր հետը վերցնելով գնաց և քրիստոնէութիւն ընդունեց... «Պարե-

լով գտիր նրան, ասում է նա, որ քո փափագը կատարէ»:

Սակայն այդ հմուտ գիտնականին գտնելն անհնարին էր, որովհետև նա արդէն մեռած էր: Երկար դեգերումից լետոյ անվհատ Մեսրոպը գալիս — հասնում է մինչև Սամօս կղզին և խորհուրդ է հարցնում Հռօփանոս գիտնականից, որը շատ լաւ ուսումնասիրել էր յունական լեզուն ու ամբողջ գրականութիւնը: Այստեղ էլ նա իր սպասած օգնութիւնը չի գտնում և միանգամայն ընդմիշտ դադարում է օտարների վրա յօյս դնելուց:

Մեսրոպը իր հոգով ու սրտով, իր ամբողջ էութեամբ նուիրուած էր հայկական նշանագրեր գտնելու նպատակին: Բազմաթիւ անաջողութիւններից լետոյ նա ոյժ տուեց իր սեփական մտքին ու երևակայութեանը: Գիշեր—ցերեկ նա մտածում էր միայն այդ գիւտի մասին. ջերմեռանդ սրտով աղօթում էր, անդադար փորձեր էր անում, այնպէս որ նրա աչքերը միշտ և ամեն տեղ միայն հայկական նշանագրեր էին որոնում: Այդ լարուած գրութիւնը շարունակուեց, մինչև որ «նրա սրտի գործարանում Ս. Հագին ցօյց տուեց աջ ձեռի մի թաթ, որ գրում էր քարի վրա, ինչպէս ձեան վրայ...» Գրուածը հայկական նշանագրերն էին— ա, ե, է, ը, ի, ո, ւ, որ Ս. Մեսրոպ լրացրեց և դասաւորեց Հռօփանոսի աջակցութեամբ: Այդ բանը պատահեց 406 թ. Նոյեմբերի 26-ին և այդ օրուանից էլ հաշուում է հայկական տառերի գիւտը:

Նորագիւտ տառերը կոչուեցան «Մեսրոպեան»:



կամ „երկաթագրեր“ :

Իր անդուլ ջանքերի այդպիսի բարեյաջող արգելանքը տեսնելով, Ս. Մեսրոպը աւելի ոգևորուեց և աւելի մեծ եռանդով շարունակեց իր սկսած գործը: Նա իսկոյն սկսեց թարգմանել Սողոմոնի առակները և Նոր Կտակարանը, որ այնքան կարևոր էին հայ աշակերտների համար: Իսկ երբ անցաւ ցրտաշունչ ձմեռը, երբ բացուեցին յարմարաւոր ճանապարհները, նա շտապեց դէպի հայրենի երկիրը, որպէսզի այնտեղ իր աշակերտների ու գաղափարակիցների հետ ձեռք ձեռքի տուած շարունակէ պտղաբեր գործունէութիւնը, որպէսզի ամենքին էլ ուրախացնէ իր նոր գիւտովը:

Եւ իսկապէս Մեսրոպեան տառերի գիւտը մի նոր դարագլուխ էր հայկական տարեգրութեան մէջ, որովհետեւ նրանից սկիզբն առաւ ազգային կրթութիւնն ու ճոխ գրականութիւնը, նրանով հիմք ստացաւ նշանաւոր Ե ոսկէ դարը:

Այդ գիւտն էր, որ հայերին միջոց տուեց քաղաքական կեանքի անկումից լետոյ էլ գոյութիւն պահպանել իբրև մի առանձին ազգութիւն: Եթէ, ասում է գերմանացի հեղինակ Նէյմանը, հայերը բոլոր այն փոթորիկների մէջ, որ Ե-րորդ դարից սկսած դղրդացրին Ասիան և մանաւանդ Հայաստանը, կարողացան իբրև մի անկախ քրիստոնէայ ազգ մնալ, պատճառը գլխաւորապէս ազգային լեզուի տառերի գիւտին պէտք է վերագրել, որովհետեւ նրա միջոցով կարելի եղաւ սեփական գրականութիւն ունենալ և մի առանձին հոգևոր կազմութիւն պահպանել:

Ե 0115  
7001




— 17 —  
V

Տառերի գիւտի օրից անցել էին ամիսներ: 407 թուականի զարնանային օրերից մէկն էր. արքայանիստ Վաղարշապատ քաղաքում տօնական մի մեծ շարժում կար: Ժողովրդի խուռն բազմութիւն գիմում էր դէպի Ռահ գետը: Այդտեղ էին Հայոց Վառձապուհ թագաւորն ու Սահակ հայրապետը, Հայոց զօրականներն ու զօրավարները, իշխաններն ու նախարարները բազմաթիւ ժողովրդի և հոգևորականութեան հետ միասին: Բոլորն էլ ուրախ էին, բոլորն էլ սրտատրոսի սպասում էին մի խորհրդաւոր ըուպէի:

Ս.հա վերջապէս հասաւ այդ տենչալի ըուպէն. ահա երևաց Հայոց մեծ վարդապետ և առաջին թարգմանիչ Մեսրոպ Մաշտոցը: Լսում են երգերի և ցնծութեան ձայները, նրա առաջ թափում են դափնեայ և վարդի պսակները:

Հաւաքուած բազմութիւնը խորհրդաւոր լռութեամբ լսում է նշանաւոր գիւտի մանրամասնութիւնները, տեսնում է նշանագրերը, հայկական տառերով ու բառբառով գրուած թարգմանութիւնները և ուրախութեան բացականչութիւններով ու քաղցրահնչիւն երգերով դէպի քաղաք է առաջնորդում այն մարդուն, որը իր կամքի և սովորութեան շնորհիւ կարողացել էր արգելքներն յաղթել և իր ծրագրած նպատակին հասնել, որը կրթութեան ու առաջադիմութեան մշտական բանալի էր բերել անբողջ հայ ժողովրդի համար:





Հայկական տառերի գիւտի անմիջական արդիւնքն եղան այն դպրոցները, որ Սահակ և Մեսրոպ հիմնեցին— (408 թ.)-Հայաստանի զանազան կողմերում: Թագաւորի հրամանով հաւաքուեցին բազմաթիւ մանուկներ, որոնք սկսեցին իրանց մայրենի լեզուն հարողատ տառերով սովորել: Բոլորն էլ, օտար լեզուների տանջանքներից ազատուելով, գիմեցին դէպի այդ դպրոցները, ինչպէս խաւարից դէպի լոյսը, ինչպէս գերութիւնից դէպի ազատութիւնը:

Այդ նորաբաց դպրոցներին մէջ իր մեծ նշանակութեամբ առաջին տեղը բռնում էր Վաղարշապատի դպրոցը, որը մի տեսակ մայր ուսումնարան կամ ուսուցչանոց դարձաւ միւս դպրոցների համար: Այստեղ կրթուեցին Սահակի և Մեսրոպի այն աշակերտները, որոնք տառերի գիւտի ժամանակ բաւական հասակ ունէին և կարող էին իրանց վարդապետներին գործակից լինել թէ դասաւանդութեան և թէ թարգմանութիւնների մէջ: Գրանց շարքում էին գտնուում Յովսէփ Վայոց Զորից, Ղևոնդ երէց Վանանդեցին, Եզնիկ Կողբացին, Կորիւն Սքանչելին և այլն: Գրանք բոլորն էլ յայտնի են առաջին աշակերտներ կամ թագաւորի շնորհ անուանով:

Սրանք իրանց ուսուցիչների ղեկավարութեամբ ցրուեցին Հայաստանի զանազան գաւառները, ժողովեցին ընդունակ մանուկներ և մատակարարեցին նրանց ժամանակակից կրթութիւնը: Այս երկրորդ կարգի աշակերտների թւում էին՝ Մովսէս Խորենացին, Մամբրէն, Դաւիթ Անյաղթը, Ղազար Փարբեցին,

Եղիշէն և ուրիշ շատերը, որոնք յայտնի են կրտսեր թարգմանիչներ անունով:

Այդ ժամանակաշրջանում կրօնական ազդեցութիւնն այնքան զօրեղ, այնքան մեծ էր, որ լքուր դպրոցներում տիրում էր զուտ կրօնական-աստուածաբանական ուղղութիւն: Այդտեղ ամենագործական դասագրքերն էին Ս. Հայրերի գրուածքներն ու Աստուածաշունչը: Եւ դա շատ բնական էր: Այդ դպրոցների գլխաւոր նպատակն էր քրիստոնէական սկզբունքներ տարածելը և ժողովրդի հոգեւոր պիտոյքները հոգալը: Նրանց սաները հոգեւորական էին դառնում և իրանց գոծուներութեամբ աւելի ուժեղացնում կրօնական ազդեցութիւնը: Ահա այդպիսով այդ նորաբաց դաստիարակութեան ու գրականութեան մէջ տիրում էր զուտ կրօնական ոգի:

V

Մեծ գիւտի հռչակը տարածուում է ոչ միայն Հայաստանում, այլ և հեռաւոր երկրներում: Վրացիներն ու աղուանները գիմում են Մեսրոպին և նրանից խնդրում, որ իրանց համար էլ յատուկ նշանագրեր հնարէ:

Անխոնջ Մեսրոպը սիրալիր կերպով յանձնառու է լինում նրանց ցանկութիւնն իրագործել: Նա վերցնում է իր հետ Ջաղայ անունով մի թարգման, իր աշակերտներից մի քանիսին և անմիջապէս ճանապարհ է ընկնում դէպի Վրաստան: Այստեղ նա ամենից առաջ ուսումնասիրում է վրաց լեզուի հնչիւնները և ապա յօրինում է „խուցուրի“



կոչուած եկեղեցական այբուբէնը, որ իր ձևով շատ նման է հայկականին: Այդ այբուբէնն իբրև պատմական փաստ մնացել է միայն եկեղեցական գրքերում, իսկ այժմ վրացիները գործ են ածում «մկէգրուլի» տառերը:

Վրացիների տառերի գիւտը պատահեց 410 թ., Բակուր թագաւորի և Մովսէս եպիսկոպոսի օրերում: Գրանց աջակցութեամբ Մեսրոպ բաց արեց բազմաթիւ դպրոցներ, ժողովեց ուսումնասէր ու ընդունակ մանուկներ և սրանց համար ուսուցիչ թողնելով իր երկու աշակերտներին՝ Խորենացի Տիրայրին և Տարօնեցի Մուշէին, ինքը վերագարձաւ հայրենիք...

Մեսրոպ աղուանների խնդիրն էլ անուշադէր չթողեց: 423 թ. նա գնաց Աղուանից աշխարհը, իրան յատուկ 'ջանասիրութեամբ ուսումնասիրեց այդ նոր լեզուն, որպէսզի նրա համար էլ տառեր յօրինէ: Նրան աջակից էին տեղական իշխանութիւնն ու հոգևորականութիւնը, ուստի և գործն աւելի հեշտացաւ: Մեսրոպ, իրան օգնական ունենալով Բենիամին անունով շնորհալի թարգմանին, հնարեց նոր նշանագրեր այդ կոկորդային, կոշտ, բիրտ և անհարթ լեզուի համար:

Կարճ միջոցում այստեղ էլ բացուեցին դպրոցներ, այստեղ էլ հաւաքուեցին բազմաթիւ մանուկներ, որոնք սկսեցին սովորել մայրենի լեզուն նորահնար տառերով: Մեսրոպը աղուանների դաստիարակութեան գործը յանձնեց իր երեք աշակերտներին՝ Ենովքին, Դանանին և Յովնաթանին, իսկ

ինքը նորից վերագարձաւ Հայաստան—Սահակ Պարթևի մօտ, որն այդ ժամանակ զբաղուած էր թարգմանութեամբ:

## VII

Մեսրոպի գլխաւոր ծառայութիւններից մէկն էլ եկեղեցական գրքերի թարգմանութիւնն է համարուած: Նա մի կողմից քարոզում էր, իսկ միւս կողմից դպրոցներ էր հաստատում, այդ միւսնոյն ժամանակ յունարէնից ու ասորերէնից թարգմանելով եկեղեցական գրքերը:

Այդպիսով նա սկիզբ դրեց գրական այն մեծ շարժմանը, որ այնպիսի եռանդով շարունակեցին նրա աշակերտները: Այս գործունէութեան ամենամեծ արդիւնքն եղաւ Ս. Գրքի թարգմանութիւնը, որ նոյն իսկ օտարների վկայութեամբ համարուած է «թագուհի բոլոր թարգմանութիւնների»:

Իսկապէս Ս. Գիրքը երկու անգամ թարգմանուեց հայերէն. առաջին անգամին (411) ասորական օրինակից թարգմանուեցին այն հատուածները, որոնք անհրաժեշտ էին եկեղեցական արարողութիւնների համար, իսկ երկրորդ անգամին (436թ.) յունական «Եօթանասնից» կոչուած ընտիր օրինակի վրայ դրանք սրբագրուեցին և մնացած մասերն էլ հայերէնի վերածուեցին:

Սակայն այդ ամբողջ գործը Մեսրոպի աշխատութեան արդիւնքը չէր. մասնակցում էին նաև Սահակ Պարթև ու առաջին աշակերտներից մի



քանիսը: Մեսրոպի գրչին պատկանում է Առակաց գրքի և Նոր Կտակարանի թարգմանութիւնը: Բացի դրանից նա կարգի դրեց ազգային եկեղեցական ծիսարանը, որը նրա անունով կոչուում է „Մաշտոց“: Գրա մէջ եղած աղօթքների մեծ մասը ինքը—Մեսրոպն է թարգմանել կամ շարադրել: Այդ ամբողջ գիրքը մի գեղեցիկ երկասիրութիւն է, որի մէջ հաւասար չափով փայլում են կազմողի աստուածապաշտ եռանդը, բնատուր հանձարն ու մաքուր լեզուն:

Նա յօրինել է նաև „Մեծ պահոց“ շարականները և ուրիշ սրտաշարժ ու եռանդուն աղօթքներ, ճառեր և խրատական նամակներ, ինչպէս վկայում է Կորիւն պատմագիրը, թէ «բազում թուղթս խրատագիրս և զգացուցիչս ընդ ամենայն գաւառս առաքէր»:

Այդ ժամանակաշրջանի բոլոր երկասիրութիւնները և մանաւանդ Ս. Գրքի հայկական թարգմանութիւնը բացի իրանց կրօնական նշանակութիւնից ունին նաև մեծ նշանակութիւն հայոց լեզուի զարգացման համար:

Յայտնի է, որ հայոց լեզուն դեռ շատ հին ժամանակներից բաժանուած էր զանազան գաւառաբառբանների: Հեթանոսութեան վերջին դարերում Արարատեան նահանգի բառբանը, հետզհետէ կոկուելով և մշակուելով, աւելի իշխող դիրք ստացաւ: Նա գործ էր անում թէ արքունիքում և թէ նախարարների տներում, թէ քաղաքական և թէ կրօնական գիւղաններում: Գրորդ գարի սկզբում այդ լե-

զուն արդէն բաւական կանոնաւորուած էր և զանազան գաղափարներ արտայայտելու ընդունակ...

Բայց տառերի գիւտից յետոյ նա մտաւ իր պատմութեան նոր շրջանի մէջ և աւելի զարգանալ սկսեց: Ս. Գրքի և թարգմանական ուրիշ գրուածքների մէջ, հեղինակների ու թարգմանիչների կիրթ ճաշակի և մեծ հմտութեան շնորհիւ նա կոկուեց, հարստացաւ ու ճոխացաւ:

Թէ այդ հարցում և թէ առհասարակ հայերի գաստիարակութեան ու քաղաքակրթութեան գործում շատ մեծ դեր է խաղացել Յունաստանը: Կեռ Գրորդ գարում շատ հայ երիտասարդներ սկսել էին յաճախել այդ երկիրը, որպէսզի գիտութեան աղբիւրից յագեցնեն իրանց ծարաւը:

Ճիշտ է, Հայաստանում էլ բացւում էին դըպրոցներ, արմատ էր դրում նորաբողբոջ գրականութիւնը, բայց նրանք կանգնած չէին ցանկալի բարձրութեան վրայ և չէին կարող բաւականութիւն տալ բոլոր պահանջներին: Ահա այդ պատճառով Ս. Սահակ և Մեսրոպ իրանց աշակերտների միջից ընտրեցին ամենաընդունակներին և ուղարկեցին Աթէնք, Աղէքսանդրիա և Կ. Պօլիս, որպէսզի քաղաքակրթութեան այդ կենտրոններում նրանք սովորեն հռետորական, փիլիսոփայական և պատմական գիտութիւնները և ապա գիտութեան լոյսը իրանց հայրենիքում ծաւալեն:

Դրանք եօթը երկար ու ձիգ տարիներ մնացին օտարութեան մէջ և իրանց ուսումը վերջացնելուց յետոյ հետները վերցրին բազմաթիւ յունա-



րէն գրքեր, իրանց կատարած պիտանի թարգմանութիւնները և վերագարձան հայրենիք, որպէսզի այստեղ իրանց մեծ ուսուցիչների հետ ձեռք ձեռքի տուած շարունակեն գրականական քարոզչական գործունէութիւնը...

### VIII

Տառերը գտնելուց յետոյ էլ Մեսրոպը յարմար գէպքում շարունակում էր իր քարոզչական գործունէութիւնը: Նա այդ նպատակով այդտեղ Սպեր, Գերջան գաւառները և այդ տեղերում իրա աշակերտներից թողնելով, անցաւ Գողթան գաւառը: Այստեղ Շաբիթ իշխանի որդի Գտի օգնութեամբ անհետացրեց հեթանոսակտն աղանդի մնացորդները, ապա դիմեց դէպի Տաշիր գաւառը և հարևան Միւնեաց աշխարհը: Ամեն տեղ էլ նա իրան յատուկ եռանդով քարոզում էր սէր դէպի եղբայրութիւն ու համերաշխութիւն, դէպի ազգն ու եկեղեցին...

Ինչպէս յայտնի է, այդ ժամանակներում Հայաստանի մի մասը Յունաստանի իշխանութեան տակ էր գտնւում: Բայց քրտնաջան Մեսրոպը աշխատում էր այստեղ էլ տարածել իր քարոզած վեհ գաղափարները, բարձր սկզբունքները, ուզում էր այստեղ էլ դպրոցներ հիմնել, հայկական գրագիտութիւն տարածել: Սակայն երկրի կառավարիչներն արգելք էին դառնում նրա գործունէութեանը: Ահա այդ պատճառով Սահակ Պարթևը, մի քանի

նախարարների հետ խորհրդակցելով, որոշում է յատուկ պատգամաւորներ ուղարկել Կ. Պօլիս—Կայսր Թէոդոս փոքրի մօտ և նրանից թուլաուլթիւն խնդրել:

Այդ պատգամաւորութիւնն էլ վիճակւում է Մեսրոպին: 420 թ. նա վերցնում է իր աշակերտներից մի քանիսին և Վարդան Մամիկոնեանի հետ ճանապարհ է ընկնում դէպի Կ. Պօլիս: Ամեն տեղ նրան ընդունում են պատուով ու մեծարանքով, ամեն տեղ աշխատում են ծանօթանալ այն մարդու հետ, որի մեծ անունը բերնից-բերան էր պլտաւում, որի հռչակը երկրից-երկիր էր հասել:

Թէ կայսրը, թէ պատրիարքը և թէ Անատոլիոս գօրավարը սիրալիւր կերպով լսում են Մեսրոպի պատմութիւնը կատարուած դէպքերի մասին, կարգում են Սահակ Պարթևի ուղարկած գրութիւնները և պատշաճաւոր հրամաններով իրաւունք են տալիս հայ քարոզիչներին՝ ազատ համարձակ շրջագայել ամեն կողմ և տարածել կրթութիւն ու մաքուր գաղափարներ:

Սակայն այդ դեռ բոլորը չէ: Նրանք ուրիշ փաստերով էլ ցոյց են տալիս իրանց յարգանքն ու մեծարանքը դէպի հայոց մեծ վարդապետ Մեսրոպը: Կայսրը նրան տալիս է Ա. կ ու մ ի տ Թիտղոսը, որ նշանակում է «անդադար աշխատող», իսկ պատրիարքը անուանում է Եկլեզիաստիկոս, որ եկեղեցական մի պատուաւոր տիտղոս է և նշանակում է «բաբունապետ»: Յոյներն այդ տիտղոսը շնորհում էին սովորաբար այն հոգևորականներին, որոնք



մեծ հմտութիւն էին ցոյց տալիս եկեղեցական գիտութիւնների մէջ:

Այդպիսի աջողութեամբ վերագառնալուց յետոյ Մեսրոպն իր աշակերտների օգնութեամբ դըստըրօցներ հիմնեց, ամեն տեղ վերահսկիչներ նշանակեց և առհասարակ մեծ զարկ տուեց յունական Հայաստանում ապրող հայերի կրթական—եկեղեցական գործին:

IX

Սահակ Պարթևի մահից (440 թ.) յետոյ Մեսրոպ Մաշտոցը կաթողիկոսական գահը բարձրացաւ: Բայց նրան վիճակուած չէր երկար ժամանակ հայրապետութիւն անել: Մեծ հասակն ու անդադրում գործունէութիւնն արդէն քայքայել էին առողջութիւնը: Մի քանի ամիս յետոյ նա ևս վախճանուեց, հայ ժողովրդին մեծ վիշտ ու սուգ պատճառելով:

Ս. Մեսրոպն կորուստը ժողովրդի համար զգալի էր մանաւանդ այդ ժամանակ, երբ Հայաստանը նման էր անդեկ նաւին, որ ընկած է ալեկոծ ծովը և առաջ է շարժւում առանց իմանալու թէ ո՞ւր և ինչպէս: Այդ ժամանակաշրջանի մասին է, որ լայտնի պատմագիր Խորենացին գրում է իր նշանաւոր ողբը, զբա մասին է, որ այդ ողբի թարգման—բանաստեղծը\* երգում է.

Ողբում եմ քեզ, Հայոց աշխարհ,  
Ողբում եմ քեզ ես վշտահար,

\* Իշխան Բաղրատունի:

Հիւսիսական երկիրներից  
Դու վեհագոյն և բարեւից:  
Վերցաւ քեզնից մեծ թագաւոր,  
Դրացիներին միշտ ահաւոր.  
Վերցաւ քեզնից մեծ քահանան—  
Ուսուցիչ և խորհրդական:  
Վրդովուեցաւ խաղաղութիւն,  
Սրմատացաւ անկարգութիւն,  
Դրդուեցաւ ճշմարիտ փառք  
Տգիտութեամբ չար և անարգ:  
Ողբում եմ քեզ ցաւով սրտի,  
Հայաստանի եկեղեցի,  
Զրկուած կարգից, զարդ քարոզից,  
Եւ քաջ հովուից ու հովուակցից:  
Քո բանաւոր հօտ չեմ տեսնում  
Հովուած, խնամուած դալար վայրում,  
Ոչ զովարար ջրերի մօտ,  
Ուր շունչ հանգիստ կառնէ միշտ հօտ.  
Ոչ փարախում ի մի խմբուած,  
Պատուող զայլից զգուշացած.  
Այլ գահալէժ, անօգնական,  
Անապատումն է ցիրուցան:  
Ո՛հ թէ լինէր ոք տրտմակից,  
Ինձ հետ ողբար Հայոց աշխարհ,  
Եւ մեր սուգի դառն կսկիծ  
Թող հնչեցնէր տխուր քնար:  
Զարթի՛ր, զարթի՛ր, Երեմիաս,  
Անտէր Հայերն թշուառացան,  
Արժանի են, որ դու ողբաս



Նոցա ներկան ու ապագան:

Դու գուշակիր, թէ ինչ տգէտ

Չար հովիւներ պիտի յառնեն,

Առաջնորդներ կոյր և անպէտ

Մեր ճանապարհ մոլորեցնեն . . .

Պարզ է ուրեմն, որ այդպիսի հանգամանքներում մեծ ցաւ էր Մեսրոպի նման անձնուէր հովուից գրկուելը: Սակայն կորուստն անդառնալի էր. մնում էր միայն նրա յիշատակն յարգելով մխիթարուել:

Ժողովրդի մէջ ահագին վէճ ու տարաձայնութիւն բարձրացաւ այն մասին, թէ ո՞րտեղ պէտք է թաղել մեծ վարդապետի մարմինը: Վաղարշապատցիներն ուզում էին Էջմիածնի հանգստարանում թաղել, ազգականներն ու գաւառակիցները պնդում էին, թէ պէտք է տեղափոխել հայրենի երկրի—Տարօնի ծոցը: Աշակերտներից շատերն էլ առաջարկում էին Գողթան գաւառի Մասրեվանքում թաղել:

Բայց բոլորին յաղթեց հայոց աշխարհի մեծ հազարապետ Վահան Ամատունին: Նա վերցրեց Մեսրոպի մարմինը և նախարարների, հոգևորականների ու ժողովրդի խուռն բազմութեան ուղեկցութեամբ մեծ հանդիսով տարաւ իր Օշական գիւղը և թաղեց տեղական եկեղեցու սեղանի ներքևը: Մի երկու տարի յետոյ սրբատաշ քարից սքանչելի խորան կանգնեցրեց գերեզմանի վրայ և սեղանը թանկագին զարդերով զարդարեց:

Անցան տարիներ: Հռչակաւոր տաճարը կորցրեց իր նախկին փայլն ու շքեղութիւնը: 1635 թ.

Փիլիպպոս կաթուղիկոսը նորոգել տուեց նրան:

Սակայն ժամանակը դարձեալ իր գերը կատարեց և քայքայում առաջացրեց:

Վերջապէս 1873—1880 թ. Գէորգ կաթուղիկոսի հրամանով և օշականցիների ու ուրիշ հայերի օժանդակութեամբ հռչակաւոր տաճարը հիմնական վերանորոգութեան ենթարկուեց և նորից վայելուչ տեսք ընդունեց:

Էջմիածնից մի քանի վերստ հեռու, գեղեցիկ ծառատանների մէջ ընկած է Օշական գիւղն իր հոյակապ տաճարով, որի ծոցում հանգչում է քրրտնաջան Մեսրոպի մարմինը:

Գեղեցիկ է այդ գիւղը ծառ ու ծաղիկներով: Գրաւիչ է այդ տաճարը իր պատմական յիշատակարանով, որ կարծես ամեն մի հայի կանչում է երախտագիտութեան համբոյր տալու այն մարդու շիրմին, որ գիտէր վեհ գաղափարներով ապրել ու գործել, որ գիտէր միշտ և ամեն տեղ քարոզել ու սովորեցնել . . .

## X

Մեռաւ Մեսրոպ Մաշտոցը, բայց յարատեւ մնաց նրա յիշատակը, կենդանի մնաց նրա սկսած մեծ գործը: Նրա ցանած սերմերը բերին առատ պտուղներ, պատրաստած աշակերտները ցոյց տուին եռանդուն գործունէութիւն: Այդպիսով հայկական աղքատիկ գրականութիւնը հարստանում էր նորանոր գրուածքներով՝ թէ թարգմանական և թէ ինք-



նուրոյն:

Գծբաղաբար այդ նորածիլ գրականութիւնը միայն սահմանափակ շրջանի համար էր, միայն սակաւաթիւ ընտրեալների սեփականութիւնն էր կազմում: Ժողովուրդը զուրկ էր նրանից, չէր վայելում նրա փրկարար ազդեցութիւնը: Պատճառը հասկանալի է: Այդ ժամանակ չկար մամուլ, չկար տպարան: Բոլոր գրուածքները արտագրւում էին ձեռքով և չափազանց թանկ գնահատուած:

Վերջապէս վրայ հասաւ XV դարը, իր հետ բերելով Յովհան Գուտենբերգի նշանաւոր գիւտը — տպագրութիւնը: Այլ ևս հարկաւոր չէր ամիսներ ու տարիներ նստել մի որ և է գիրք արտագրելու համար: Բաւական էր բնագիրը շարել համապատասխան տառերով, ապա տպագրել: Այդպիսով կարելի էր կարճ միջոցում հարիւրաւոր ու հազարաւոր օրինակներ պատրաստել միևնոյն գրքից: Հասկանալի է, որ այդ գիւտը չափազանց մեծ հարուած տուեց բոլոր ազգերի գրականութեանն ու մտաւոր առաջադիմութեանը:

Հայերն էլ այդ ազգերի շարքումն էին: 1512 թ. Վենետիկում սկսուեց հայկական առաջին տպագրութիւնը: Այդ և յաջորդ տարին միմեանց յետևից լոյս տեսան հինգ գրքեր՝ «Պարզատօմար», «Պատարագատետր», «Ուրբաթագիրք», «Տաղարան» և «Աղթարք»:

Դրանից յետոյ հայերը տպարաններ հիմնեցին նաև ուրիշ քաղաքներում: Ահա այդպիսով հետզհետէ զարգացաւ հայկական տպագրութիւնը, առա-

ջադիմեց հայկական գրականութիւնն ու մտաւոր շարժումը, որոնք հայերիս գոյութեան ամենահզօր պատուարը դարձան:

Այժմ մենք ունինք բազմաթիւ պարբերական հրատարակութիւններ ու գրքեր, ունինք բաւական հարուստ գրականութիւն ու մշակուած լեզու, բայց այդ բոլորի համար շատ բան ենք պարտական հայկական տառերը հնարող Մեսրոպ Մաշտոցին:

Թող ուրեմն միշտ անմոռաց մնայ նրա անունը ամեն մի հայի սրտում . . .





*Մեր աղբիւրները.*

1. Կորիւն վարդապետ—«Պատմութիւն վարուց և մահուան սրբոյն Մեսրոպայ»:
  2. Ղազար Փարպեցի—«Պատմութիւն Հայոց և Վահանայ Մամիկոնեանի»:
  3. Մովսէս Խորենացի—«Պատմ. Հայոց»:
  4. Ս. Պալասանեան—«Պատմ. Հայոց»:
  5. Ա. Մ. Գարագաշեան—«Քննական պատմութիւն Հայոց» մասն դ.
  6. Ն. Գ. Զարբանալեան—«Հայկական հին դպրութեան պատմութիւնը»:
  7. Լէօ—«Հայկական տպագրութիւն»:
  8. Ն. Յով. վ. Թորոս — «Ընտիր Հայկագունք»:
  9. Ա. Մելեան—«Հայոց մեծ վարդապետ Ս. Մեսրոպը»:
  10. Ազգերեան—«Վարք Սրբոց»:
-



« Ազգային գրադարան



NL0416714